

Morning Dogri (NSD) National News Bulletin 09-08-2024

आकाशवाणी

- विदेश मंत्री डॉ. एस.जयशंकर होर त्रऊं दिनें दे अधिकारिक दौरे उप्पर मालद्वीप जांगन।
- नीरज चोपड़ा नै नेजा सुट्टने दे मकाबले च चांदी दा तगमा जित्तेआ ऐ।
- वित्त मंत्री निर्मला सीतारमण होरें गलाया ऐ जे कोविड महामारी दे बाद थमां पूंजीगत खतरे लगातार बधे न।
- पूरे देश च 9 थमां 15 अगस्त तगर “हर घर तिरंगा” अभियान दी शुरूआत होआ’रदी ऐ।
- भारतीय हॉकी टीम नै ओलंपिक्स च कैह् दा तगमा हासल कीता।

<><><><><><>

Dr. S.Jaishankar

विदेश मंत्री डॉ. एस.जयशंकर हुंदा त्रऊं रोजा मालद्वीप दा दौरा अज्ज थमां शुरू होआ’रदा ऐ। एहदा उद्देश्य दवै मुल्खें बश्कार दपक्खी सांझेदारी मजबूत करना ते आपसी सरबंधें गी होर तगड़ा करियै नमें अवसर पैदा करना ऐ। एह यात्रा इस ब’रे जून च नमें मंत्रिमंडल ते मंत्रिपरिषद दे शपथ ग्रहण समारोह लेई मालद्वीप दे राष्ट्रपति मोहम्मद मोइजू हुंदी हाल दी भारत यात्रा मगरा होआ’रदी ऐ। मालद्वीप भारत दा प्रमुख समुंद्री गोआंढी मुख्य ऐ जेहड़ा हिंद महासागर च इक रणनीतिक थाहर रखदा ऐ ते लम्मे समें थमां भारत दी गोआंढी पैहले नीति ते सागर दृष्टिकोण क्षेत्र च सब्बने लेई सुरक्षा ते विकास च इक लाजमी भागीदार मन्नेआ जंदा ऐ।

<><><><><><>

Neeraj

पैरिस ओलंपिक्स च भारती एथलीट नीरज चोपड़ा होरें सीजन दा अपना सर्वश्रेष्ठ 89.4—5 मीटर थो करियै कल रातीं मर्दे दी नेजा सुट्टने आले मकाबले च चांदी दा तगमा जित्तेआ।

एह्दे परैत पाकिस्तान दे अरशद नदीम नै 92.9–7 दी दूरी पर नेजा सुट्टियै ओलंपिक्स दे पराने सब्बनं रिकार्डें गी त्रोड़ी दित्ता ते सुन्ने दा तगमा हासल कीता। नीरज चोपड़ा मुख्य आजाद होने दे बाद ओलंपिक्स च दऊं तगमे जित्तने आले पैहले भारती ट्रैक ते फीलड एथलीट बनी गे न। नीरज चोपड़ा 89.3–4 मीटर दी थ्रो दे कन्नै क्वालीफिकेशन राउंड च अगगे रौहने परैत फाइनल च पुज्जे। ओह 2008 ते 2012 दिएं खेड्डें च कैह ते चांदी दा तगमा जित्तने आले पलोआन सुशील कुमार दे बाद ओलंपिक्स च लगातार तगमा जित्तने आले दुए भारती मर्द खडारी ते कुल मलाइयै त्रिये खडारी बनी गे न। ओह नार्मन प्रिचर्ड, सुशील कुमार, पी.वी.सिंधु ते मनु भाकर दे बाद इक शा मती व्यक्तिगत स्वर्धाएं च तगमा जित्तने आले 5में भारती बनी गे न।

<><><><><><><><>

Add Neeraj

राष्ट्रपति द्रौपदी मुर्मू ते प्रधानमंत्री नरेन्द्र मोदी होरें पैरिस ओलंपिक्स च चांदी दा तगमा जित्तने पर नीरज चोपड़ा होरें गी बधाई दित्ती ऐ। इक संदेस च राष्ट्रपति मुर्मू होरें आखेआ जे मुख्य नीरज चोपड़ा हुंदी उपलब्धि पर गर्व करै करदा ऐ ते उंदी एह जित्त पक्क गै ओने आली पीढ़िएं दा दिल बधाग। अपने संदेस च प्रधानमंत्री होरें आखेआ जे नीरज होरें बार–बार प्रतिभा दा प्रदर्शन कीता ऐ। उनें आखेआ जे भारत बड़ा खुश ऐ की जे नीरज होर इक होर कामयाबी दे कन्नै स्वदेश परतोआ करदे न। गृहमंत्री अमित शाह होरें बी नीरज चोपड़ा हुंदी सराहना कीती ते आखेआ जे नीरज होरें तिरंगे दा मान बधाया ऐ।

<><><><><><><><>

Parliament

संसद नै माली बिल 2024 कयाफें सरबंधी बिल 2024 ते जम्मू कश्मीर दे कयाफें सरबंधी बिल 2024 गी पास करी दित्ता ऐ। एह्दे बाद राज्यसभा चर्चा परैत इनें बिलें गी वापस लोकसभा भेजी दित्ता। लोकसभा च इनें गी पैहले गै पास करी दित्ता गेदा ऐ। एह्दे कन्नै गै संसद नै माली बरें 2024–25 लेई बजट दी कारवाई पूरी करी लैती ऐ।

केन्द्री मंत्री निर्मला सीतारमण होरें कल राज्यसभा च इनें विधेयकें पर जारी चर्चा दा परता दिंदे होई आखेआ जे सरकार कोविड दे बाद थमां लगातार पूंजीगत खर्चें पर ध्यान देइयै मते शा मती रकम खर्च करै करदी ऐ।

<><><><><><>

Har Ghar Tiranga

“हर घर तिरंगा” मुहिम पूरे देश च 9 अगस्त थमां 15 अगस्त तगर मनाया जाग। एहदा उद्देश्य नागरिकें च देशभक्ति दी भावना गी बढ़ावा देना ऐ। नमीं दिल्ली च इक प्रेस कांफ्रेंस गी संबोधत करदे होई संस्कृति ते सैलसफा मंत्री गजेन्द्र सिंह शेखावत होरें लोकें गी अपने घरे च झंडा फैहराने ते झंडे कन्नै अपनी सैल्फी लेइयै अपनी फोटो “हर घर तिरंगा” वैबसाइट उपपर अपलोड करने लेई आखेआ।

<><><><><><>

Piyush

केन्द्र बज-बपार मंत्री पियूष गोयल होरें गलाया ऐ जे भारत दुनिया च फुटवियर दा दुआ सब्बने शा ड्डा निर्माता ऐ। नमीं दिल्ली च 8में भारतीय अंतर्राष्ट्रीय फुटवियर मेले दे उद्घाटन समारोह गी संबोधत करदे होई केन्द्री मंत्री होरें गलाया जे हुन समां आई गेआ ऐ जे भारत इस क्षेत्र च पैहली थाहर उपपर पुज्जे। गोयल होरें आखेआ जे भारत दे फुटवियर क्षेत्र च लगातार विकास करने दी क्षमता ऐ ते आधुनिक विनिर्माण कौशल राएं एह विश्व दा सब्बने शा बड्डा फुटवियर निर्माता मुख्य बनी सकदा ऐ। मंत्री होरें गलाया जे मुख्य 2030 तगर फुटवियर क्षेत्र च 50 बिलियन डॉलर निर्यात दे आंकड़े तगर पुज्जी जाग।

<><><><><><>

Bangladesh

नोबल विजेता मोहम्मद यूनुस होरें बंगलादेश दी अंतरिम सरकार दे प्रमुख दे तौरा पर सगंध चुक्की लेई ऐ। बंगलादेश दे राष्ट्रपति मोहम्मद शाहबुद्दीन होरें जंदी संजा ढाका च मोहम्मद यूनुस होरें गी सगंध चकाई। प्रधानमंत्री नरेन्द्र मोदी होरें प्रो. मोहम्मद यूनुस होरें गी नभियां जिम्मेवारियां लैने लेई मबारकबाद दिक्ती ऐ।

इक सोशल मीडिया पोस्ट च मोदी होरें बंगलादेश च तौले गै सामान्य स्थिति ब्हाल होने ते बंगलादेश च रवा'रदे हिंदुएं ते होर दुए अल्पसंख्यकें दी सुरक्षा ते इफाजत दी मेद बुज्झी ऐ।

<><><><><><>

President

राष्ट्रपति द्रौपदी मुर्मू होर अपने दऊं दिनें दे न्यूजीलैंड दौरे उपपर अज्ज ऑकलैंड च इक समुदायक कार्यक्रम दरान भारतीय समुदाय दे लोकें ते भारत दे मित्र समुदाय कन्नै मलाटी करगन। न्यूजीलैंड च 3 लक्ख भारतीय रोंहदे न ते ओह न्यूजीलैंड कन्नै मिलियै दवै मुख्यें बशकार आपसी सरबंधें गी होर मजबूत बनाने लेई कम्म करा'रदे न।

<><><><><><>

Hockey india

हॉकी इंडिया नै पैरिस ओलंपिक्स च कैह दा तगमा जित्तने पर मर्दे दी हॉकी टीम दे हर इक खडारी गी 15—15 लक्ख रुपें ते सैहयोगी सदस्यें गी साढे 7 लक्ख रुपे दे नगद पुरस्कार दा ऐलान कीता ऐ। हरमनप्रीत सिंह दी अगुवाई आली टीम नै स्पेन गी 2—1 कन्ने हराइयै लगातार दूई बारी ओलंपिक्स पदक हासल कीता। एह उपलब्धि खीरी बारी 52 ब'रें पैहले हासल कीती गई ही।

<><><><><><>

ECI-J&K

भारत दे मुख्य चुनां आयुक्त राजीव कुमार हुंदी अध्यक्षता च चुनां आयुक्त ज्ञानेश कुमार ते डॉ. एस.एस.संधु हुंदा 2 दिन दा जम्मू कश्मीर दा दौरा शुरू होई गेआ ऐ। इस दरान ओह केन्द्र शासत प्रदेश च चुनां सरबन्धी तैआरिएं दा जायजा लै'रदे न। इस दौरे दा मकसद खित्ते च सुचारू ते पारदर्शी चुनां प्रक्रिया गी जकीनी बनाना ऐ। कल चुनां आयोग दे दल नै राष्ट्रीय ते प्रदेश सतह दी पंजीकृत सियासी पार्टिएं दे नुमायंदे ते होरने सरबन्धी धड़ें कन्नै मलाटी कती ते उंदे विचारें ते समस्याएं गी सुनेआ।

अज्ज उंदा दौरा सम्पन्न होइ जाग। एह दल अज्ज मुख सचिव, पुलस महानिदेशक हुंदे कन्नै मलाटी करोग। चुनां आयोग दा जम्मू औने दा बी कार्यक्रम ऐ, इत्थें ओह कनून नाफिज करोआने आली अजेंसिएं कन्ने बी मलाटी करगंन। एह दौरा इक प्रेस कांफ्रेंस मगरा सम्पन्न होग।

<><><><><><>

IMD

भारती मौसम विभाग ने देश दे बक्ख-बक्ख थाहरें उप्पर अगले 7एं दिनें च हल्की थमां भारी बरखा पौने दा अनुमान जताया ऐ। इस हफते पच्छमी हिमालयन खित्ते च हल्की थमां भारी बरखा पौने दी मेद ऐ। मौसम विभाग नै देश दे पूर्वी इलाकें च अगले 3-4 दिन बरखा पौने दी पेशगोई कीती ऐ। मुत्तलका विभाग ने सिक्किम, झारखंड, असम, मेघालय, बिहार, अरुणाचल प्रदेश, नागालैंड, मिजोरम, केरल, हिमाचल प्रदेश, हरियाणा, चंडीगढ़, उत्तर प्रदेश, पच्छिम बंगाल, पंजाब, जम्मू कश्मीर, लद्दाख, गिलगित बल्तीस्तान ते मुज्जफराबाद च इस म्हीने दी 14 तरीक तगर बड़ी भारी बरखा दा अनुमान जताया ऐ।

<><><><><><>